

INDEX ALPHABETICUS

	pag.
Aldegundis Virg. Com. 30 Jan.	3*
Bonifatii Ep. et Mart., duplex II classis. 5 Junii	13*
Clementis Mariæ Hofbauer Conf., duplex majus. 15 Martii	4*
Conradi a Parzham Conf., duplex. 21 Aprilis	7*
Dedicatio Eccl. Cathedr., duplex I classis cum Octava communi. 30 Sept.	18*
— De Octava, semiduplex. 1 Oct.	18*
— — semiduplex, 5 Oct.	21*
Dedicatio propriæ Eccles., duplex I classis cum Octava communi. Feria IV ante Dominicam III Octobris	23*
— — Octava, duplex majus. Feria IV ante Dominicam IV Octobris	23*
Ewaldorum Martyrum, duplex. 3 Oct.	19*
Godefridi Conf., duplex. 19 Jan.	1*
Henrici Imperatoris, Conf., duplex. ¹⁵ Julii ⁴ supradict	14*
Hildegardis Virg., duplex. 25 Sept.	16*
Idæ Viduæ, duplex. 4 Sept.	15*
Joachim Patris B. M. V., Conf., duplex II classis. 16 Aug.	14*
Joannis Nepomuceni Mart., duplex. 16 Maji	12*
Lamberti Ep. et Mart., duplex. 17 Sept.	15*
Ludgeri Proto-Episcopi Monasterien., duplex I classis. 26 Martii	4*
— — Octava, duplex majus. 2 Aprilis	6*
Mariæ Virg. Consolatrix Affictorum, duplex majus. Sabbato ante Dominicam VI post Pascha	9*
Martinæ Virg. et Mart., semiduplex. 30 Jan.	3*
Petri Canisii Conf. et Eccl. Doct., duplex II classis. 27 Aprilis	7*
Reliquiarum sacrarum, quæ in Eccles. Diœces. asservantur, duplex majus. 5 Nov. .	24*
Rochi Conf. Com. 16 Augusti	14*
Udalrici Ep. et Conf., duplex. 4 Julii	13*
Victoris et Soc. Mm., duplex. 10 Oct.	21*
Willehadi Ep. et Conf., duplex. 27 Nov.	26*
Willibrordi Ep. et Conf., duplex. 7 Nov.	24*

MISSÆ PROPRIÆ DICECESIS MONASTERIENSIS

Die 19 Januarii
S. GODEFRIDI CONF.

Duplex

Introitus Gen. 12, 1 et 2

EGREDERE de terra tua, et de domo patris tui, et veni in terram, quam monstrábo tibi: et benedicam tibi, et magnificábo nomen tuum. (**T. P.** Allelúja, allelúja.) **Ps. 83, 2 et 3** Quam dilécta tabernácula tua, Dómine virtútum! Concupiscit et déficit ánima mea in átria Dómini. **V.** Glória Patri.

Oratio

Deus, qui beátum Godefridum Confessórem tuum in mundi contémptu mirábilem effecísti: præsta, quæsumus; ut, intercessiónis ejus auxilio, fidéles tui terréna despícant, et ad cælestia semperaspírent. Per Dóminum.

Et fit Commemoratio Ss. Marii, Marthæ, Audifacis et Abachum Martyrum:

Oratio

Exáudi, Dómine, pòpulum tuum, cum Sanctórum tuórum patro-

cínio supplicántem: ut et tempórális vitæ nos tribuas pace gaudére; et ætérnæ reperíre subsídium. (Per Dóminum nostrum.)

Deinde Commemoratio S. Canuti Regis, Mart.:

Oratio

Deus, qui ad illustrándam Ecclésiam tuam beátum Canútum regem martýrii palma et gloriósis miráculis decoráre dignátus es: concéde propítius: ut, sicut ipse Dominicæ passiónis imitátor fuit, ita nos, per ejus vestígia gradiéntes, ad gáudia sempitérana pervenire mereámur. Per eúndem Dóminum nostrum.

Léctio Epistolæ
beati Pauli Apóstoli
ad Timótheum

1 Tim. 6, 6-12

Carissime: Est quæstus magnus pietas cum sufficiéntia. Nihil enim intúlimus in hunc mundum: haud dúbium, quod nec auférre quid pòssumus. Habéntes autem aliménta, et quibus tegámur, his conténti simus. Nam qui volunt dívites fieri, incidunt in tentatió-

nem, et in láqueum diáboli, et desidéria multa inutilia et nocíva: quæ mergunt hómines in intérítum et perditónem. Radix enim ómnium malórum est cupiditas: quam quidam appeténtes, erravérunt a fide, et inseruérunt se dolóribus multis. Tu autem, o homo Dei, hæc fuge: sectáre vero justítiam, pietátem, fidem, caritátem, patiéntiam, mansuetúdinem. Certa bonum certámen fidei, apprehénde vitam ætérnam.

Graduale Jerem. 12, 7

Reliqui domum meam: dimisi hereditátem meam. **V. Ps. 72, 28**
Quia bonum mihi est adhærere Deo: pónere in Dómino, Deo meo, spem meam.

Allelúja, allelúja. **V. Ps. 5, 8 et 131, 14** Introibo in domum tuam: hæc réquies mea in sǽculum sǽculi: hic habitábo, quóniam elégi eam. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3

Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generáatio rectórum benedicétur. **V.** Glória et divitiæ in domo ejus: et justitia ejus manet in sǽculum sǽculi.

In Missis votivis Tempore Paschali omittitur Graduale, et ejus loco dicitur:

Allelúja, allelúja. **V. Ps. 91, 13**
Justus ut palma florébit: sicut cedrus Líbani multiplicábitur. Allelúja. **V. Osee 14, 6** Justus germinábit sicut lílum: et florébit in æténum ante Dóminum. Allelúja.

 Sequéntia sancti Evangélii secúndum Matthæum

Matth. 19, 27-29

In illo témpore: Dixit Petrus ad Jesum: Ecce, nos reliquimus ómnia, et secúti sumus te: quid ergo erit nobis? Jesus autem dixit illis: Amen, dico vobis, quod vos, qui secúti estis me, in regeneratióne, cum séderit Filius hóminis in sede majestatis suæ, sedébitis et vos super sedes duódecim, iudicántes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam ætérnam possidébit.

Offertorium Ps. 115, 16 et 17

O Dómine, dirupísti vincula mea: tibi sacrificábo hóstiam laudis, et nomen Dómini invocábo: vota mea Dómino reddam. (**T. P.** Allelúja.)

Secreta

Propítius esto, Dómine, suppli-
cationibus nostris: et, inter-
cessióne beáti Godefrídi Confes-

sóris tui, ómnium nostrum ad te corda converte; ut, per hæc sacra, quæ tibi offérimus, a mundanis cupiditatibus expediti, te solum pura mente sectémur. Per Dóminum nostrum Jesum Christum, Filium tuum: Qui tecum.

Pro Ss. Martyribus Secreta

Preces, Dómine, tuorum respice, oblationésque fidélium: ut et tibi gratæ sint pro tuorum festivitáte Sanctórum, et nobis conferant tuæ propitiatiónis auxílium. (Per Dóminum nostrum.)

Pro S. Canuto Secreta

Accépta sit in conspéctu tuo, Dómine, nostra devótio: et ejus nobis fiat supplicatióne salutáris, pro cuius solemnitaté defértur. Per Dóminum nostrum.

Communio Deut. 32, 10

In loco solitúdinis Dóminus eum custodívit quasi pupillam oculi sui. (T.P. Allelúa.)

Postcommunio

D eus, qui ómnia pro te relinquentibus in hoc sǽculo céntruplum, et in futúro vitam æternam promisisti: concéde nobis cælesti pane reféctis; ut, sancti Godefridi vestigiis inhærentes, peritura mundi bona contemnamus, et ad sola mansúra suspirémus. Per Dóminum nostrum.

Pro Ss. Martyribus Postcommunio

Sanctórum tuorum, Dómine, intercessióne placátus: præsta, quæsumus; ut, quæ temporali celebrámus actiōne, perpétua salvatiōne capiámus. (Per Dñm.)

Pro S. Canuto Postcommunio

Refécti participatióne múnneris sacri, quæsumus, Dómine, Deus noster: ut, cujus exséquimur cultum, intercedénte beáto Canúto Mártyre tuo, sentiámus effectum. Per Dóminum nostrum.

Die 30 Januarii S. MARTINÆ VIRG. ET MART. Semiduplex

Missa Loquébar, de Communi Virginum 1 loco et fit Commemoratio S. Aldegundis Virg., ut in Missa sequenti; 3^a Oratio de sancta Maria Deus, qui salútis.

Eadem die 30 Januarii
PRO S. ALDEGUNDE VIRG.
Missa Dilexisti, de Communi Virginum 3 loco.

Oratio C

E xaudi nos, Deus, salutáris noster: ut, sicut de beatæ Aldegundis Virginis tuæ festivitaté gaudémus; ita piæ devotónis erudiámur afféctu. Per Dñm.

Secreta

C

Accépta tibi sit, Dómine, sacrá-
tæ plebis oblátio pro tuórum
honóre Sanctórum: quorum se-
méritis de tribulatióne percepísse
cognóscit auxílium. Per Dñm.

Postcommunio

C

Satiásti, Dómine, familiam tuam
munéribus sacris: ejus, quæ-
sumus, semper interventióne nos
réfove, cujus solémnia celebrá-
mus. Per Dóminum nostrum.

Missæ privatæ dici possunt, juxta
Rubricas, etiam de S. Aldegunde
Virg., ut supra, cum Commemo-
ratione S. Martinæ Virg. et Mart.
ac 3^a Oratione de sancta Maria
Deus, qui salútis.

Die 15 Martii

S. CLEMENTIS MARLÆ
HOFBAUER CONFESSORIS

Duplex majus

Missa Justus ut palma, de Com-
muni Confessoris non Pontificis
2 loco, præter Orationes sequen-
tes:

Oratio

P

Deus, qui beátum Cleméntem
Maríam miro fidei róbore et
invictæ constántiæ virtúte deco-
rásti: ejus méritis et exémplis fac-
nos, quæsumus, ita fortes in fide
et caritaté fervéntes; ut præmia
consequámur ætérrna. Per Dñm.
Et, in Missis non conventionalibus,
fit Com. Feriæ, juxta Rubricas.

Secreta

P

Ille nos, quæsumus, Dómine, de-
votiónis ignis accéndat: quo
beátus Clemens María, dum salu-
tárem offéret hóstiam, júgiter
flagrávit. Per Dóminum nostrum.
Et fit Com. Feriæ, ut supra.

Postcommunio

P

Caelésti pane reféctis concéde
nobis, omnipotens Deus: ut
beáti Cleméntis exémplo in forti-
tudine cibi illius usque ad mon-
tem, qui Christus est, feliciter
perveniámus: Qui tecum vivit.

Et fit Commemoratio Feriæ, ut
supra; ac de ea legitur Evange-
lium in fine, juxta Rubricas.

FMissæ privatæ dici possunt, jux-
ta Rubricas, etiam de Feria, cum
Com. S. Clementis M. Hofbauer.

Die 26 Martii

S. LUDGERI

PROTO-EPISCOPI
MONASTERIENSIS

Duplex I classis

(Extra Quadragesimam cum
Octava communi)

Introitus Eccli. 45, 30

STATUIT ei Dóminus testa-
mémentum pacis, et principem
fecit eum: ut sit illi sacerdó-
tii dignitas in ætérrnum. (T. P.
Allelúja, allelúja.) Ps. 131, 1 Me-
ménto, Dómine, David: et omnis
mansuetúdinis ejus.

V. Glória Patri.

Oratio

Deus, qui hodiernam diem sacratissimam nobis in beati Ludgéri Confessoris tui atque Pontificis solemnitate tribuisti: concéde propitius; ut, qui ejus gaudemus méritis, provocémur exémplis, et ejus intercessione véniam et vitam mereámur æternam. Per Dóminum nostrum.

Et, in Quadragesima, fit Commemoratio Feriæ in Missis non conventionalibus, juxta Rubricas.

Léctio libri Sapiéntiæ

Eccli. 50, 1-8

Ecce sacérdos magnus, qui in vita sua suffulsa domum: et in diébus suis corroboravit templum. Templi étiam altitudo ab ipso fundata est: duplex ædificatio, et excélsi parietes templi. In diébus ipsius emanavérunt pútei aquarum: et quasi mare adimpléti sunt supra modum. Qui curávit gentem suam, et liberávit eam a perditioне. Qui præváluit amplificare civitatem; qui adéptus est glóriam in conversatione gentis, et ingrémentum domus et átrii amplificávit. Quasi stella matutina in médio nébulæ, et quasi luna plena in diébus suis lucet. Et quasi sol refulgens, sic ille effulsa in templo Dei. Quasi arcus refulgens inter nébulas gloriæ: et quasi flos rosarum in diébus ver-

nis, et quasi lilia, quæ sunt in tránsitu aquæ: et quasi thus rédolens in diébus æstatis.

Graduale Eccli. 44, 16

Ecce sacérdos magnus, qui in diébus suis placuit Deo. **V. Ibid., 20** Non est invéntus similis illi, qui conserváret legem Excélsi.

Tractus Ps. 111, 1-3

Béatus vir, qui timet Dóminum: in mandatis ejus cupit nimis. **V.** Potens in terra erit semen ejus: generatio rectórum benedicétur. **V.** Glória et divitiæ in domo ejus: et justitia ejus manet in sáculum sáculi.

In Missis votivis ante Septuagésimam vel post Pentecosten

Graduale Eccli. 44, 16

Ecce sacérdos magnus, qui in diébus suis placuit Deo. **V. Ibid., 20** Non est invéntus similis illi, qui conserváret legem Excélsi.

Allelúja, allelúja. **V. Ps. 109, 4** Tu es sacérdos in ætérnum, secundum ordinem Melchisedech. Allelúja.

Tempore Paschali, omissis Graduali et Tractu, dicitur:

Allelúja, allelúja. **V. Ps. 109, 4** Jurávit Dóminus, et non pœnitabit eum: Tu es sacérdos in ætérnum, secundum ordinem Melchisedech. Allelúja. **V. Eccli. 44, 16** Ecce sacérdos magnus, qui in diébus suis placuit Deo. Allelúja.

 Sequéntia sancti Evangélii
secúndum Matthéum

Matth. 5, 13-19

In illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Ad nihilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas abscondi supra montem pósita. Neque accéndunt lucernam, et ponunt eam sub módio, sed super candelábrum, ut luceat ómnibus qui in domo sunt. Sic luceat lux vestra coram hominibus, ut videant ópera vestra bona, et glorifícant Patrem vestrum, qui in cælis est. Nolite putare, quóniam veni sólvere legem aut prophétas: non veni sólvere, sed adimplére. Amen, quippe dico vobis, donec tránseat cælum et terra, iota unum aut unus apex non præteribit a lege, donec ómnia fiant. Qui ergo sólverit unum de mandátis istis minimis, et docúerit sic hómines, mínimus vocábitur in regno cælórum: qui autem fécerit et docúerit, hic magnus vocábitur in regno cælórum.

Offertorium Ps. 88, 25

Véritas mea et misericórdia mea cum ipso: et in nōmine meo exaltábitur cornu ejus. (T.P. Alleluja.)

Secreta

Hæc sacra, Dómine, quæ pro venerándis beáti Ludgéri Confessóris tui atque Pontificis deférimus méritis, peccatórum nostrorum vincula solvant: et ejus obténtu ab ómnibus tueántur advérsis. Per Dóminum nostrum. Et, in Quadragesima, fit Commemoratio Feriæ, ut supra.

Communio Matth. 24, 46-47

Beátus servus, quem, cum vénerit dóminus, invénerit vigilántem: amen, dico vobis, super ómnia bona sua constituet eum. (T.P. Alleluja.)

Postcommunio

Pignus perpétuæ salútis suméntes, cleméntiam tuam, omnipotens Deus, humiliter implorámus: ut, beáto Ludgéro Confessóre tuo atque Pontifice interveniente, cælestis vitæ præmia consequámur. Per Dóminum.

Et, in Quadragesima, fit Com. Feriæ, ut supra; ac de ea legitur Evangelium in fine, juxta Rubricas.

Die 2 Aprilis

Extra Quadragesimam

IN OCTAVA S. LUDGERI
PROTO-EPISCOPI MONAST.

Duplex majus

Missa ut in Festo, addita Commemoratione S. Francisci de Paula Conf., ut in Missali hac die.

J Missæ privatæ dici possunt, juxta Rubricas, etiam de S. Francisco de Paula Conf., ut in Missali hac die, cum Commemoratione diei Octavæ S. Ludgeri.

Die 21 Aprilis
S. CONRADI A PARZHAM
CONFESSORIS

Duplex

Missa Os justi, de Communi Confessoris non Pontificis 1 loco, cum Orationibus ut infra:

Oratio

P

Deus, qui misericórdiæ tuæ jánuam fidélibus patére voluísti: te súpplices exorámus; ut, intercedénte beáto Conrádo Confessóre tuo, temporália subsídia nobis tribuas et ætéerna. Per Dñm.

Etfit Com. S. Anselmi Ep. et Doct.:

Oratio

Deus, qui pópulo tuo ætérnæ salútis beátum Ansélmum ministrum tribuisti: præsta, quæsumus; ut, quem Doctórem vitæ habuimus in terris, intercessórem habére mereámur in cælis. Per Dóminum nostrum.

**Credo, ratione Commemoratio-
nis S. Doctoris.**

Secreta

P

Clationes nostras tibi, Dómino, quæsumus, beáti Conrádi intercéssio veneránda comnéndet: quem coram tuis altáriis precántem supernórum cha-

rismatum dulcédine recreásti. Per Dóminum nostrum.

Pro S. Anselmo Secreta
Sancti Ansélmi Pontíficis tui atque Doctóris nobis, Dómine, pia non desit orátko: quæ et múnera nostra conciliét; et tuam nobis indulgéntiam semper obtineat. Per Dóminum nostrum.

Postcommunio

P

Súmpsimus, Dómine, tua sancta, beáti Conrádi mérita recoléntes: præsta, quæsumus; ut ejus semper et præcláro proficiamus exémplo et fidéli muniámur auxilio. Per Dóminum nostrum.

Pro S. Anselmo Postcommunio
Ut nobis, Dómine, tua sacrificia dent salútem: beáthus Ansélmus Póntifex tuus et Doctor egrégius, quæsumus, precátor accédat. Per Dóminum nostrum.

J Missæ privatæ dici possunt, juxta Rubricas, etiam de S. Anselmo Ep. et Doct., ut in Missali hac die, cum Commemoratione S. Conradi.

Die 27 Aprilis
S. PETRI CANISII
CONF. ET ECCL. DOCT.

Duplex II classis

Introitus Eccli. 15, 5

IN médio Ecclésiæ apéruit os ejus: et implévit eum Dóminus spíritu sapiéntiæ et intelléctus: stolam gloriæ induit eum. (T.P.

Allelúja, allelúja.) **Ps. 91, 2** Bonum est confíteri Dómino: et psáltere nómini tuo, Altissime. **V.** Glória Patri. **Et repetitur:** In médio Ecclésiæ apéruit os ejus: et implévit eum Dóminus spíritu sapiéntiæ et intelléctus: stolam glóriæ induit eum. (**T. P.** Allelúja, allelúja.)

Oratio

Deus, qui ad tuéndam cathólicam fidem beátum Petrum Confessórem tuum virtúte et doctrína roborásti: concéde propítius; ut ejus exémplis et mónitis erráentes ad salútem resipiscant, et fidéles in veritátis confessióne persevérant. Per Dóminum.

Léctio Epistolæ beáti Pauli Apóstoli ad Timótheum

2 Tim. 4, 1-8

Caríssime: Testíficor coram Deo, et Jesu Christo, qui iudicatúrus est vivos et mórtuos, per advéntum ipsius et regnum ejus: práedica verbum, insta opportúne, importúne: árgue, óbsecra, ícrepa in omni patiéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritaté quidem auditum avértent, ad fábulas autem converténtur. Tu vero vigila, in ómnibus labóra, opus fac Evangelistæ, ministérium tu-

um imple. Sóbrius esto. Ego enim jam delíbor, et tempus resolu-tiónis meæ instat. Bonum certá-men certávi, cursum consummávi, fidem servávi. In réliquo re-pósita est mihi coróna justitiæ, quam reddet mihi Dóminus in illa die, justus judex: non solum au-tem mihi, sed et iis, qui diligunt advéntum ejus.

Allelúja, allelúja. **V. Ps. 118, 46** Loquébar de testimóniis tuis in conspéctu regum, et non confun-débar. Allelúja. **V. 1 Cor. 9, 22** Omnia ómnibus factus sum, ut omnes fácerem salvos. Allelúja.

In Missis votivis per annum dici-tur

Graduale Ps. 118, 129-130

Mirabilia testimónia tua, Dómi-ne, ídeo scrutáta est ea ánima mea. **V.** Declarátio sermónum tuórum illúminat et intelléctum dat párvulis.

Allelúja, allelúja. **V. Ps. 108, 30** Confitébor Dómino nimis in ore meo: et in médio multórum lau-dábo eum. Allelúja.

Post Septuagesimam, omissis Al-lelúja et Versu sequenti, dicitur

Tractus Ps. 118, 104, 105 et 158

A mandátis tuis intelléxi, prop térea odivi omnem viam iniquitá-tis. **V.** Lucérna pédibus meis ver-bum tuum, et lumen sémitis meis. **V.** Vidi prævaricántes et tabescé-

bam, quia elóquia tua non custo-
diérunt.

H Sequentia sancti Evangélii
secúndum Matthæum

Matth. 5, 13-19

In illo témpore: Dixit Jesus discí-
pulis suis: Vos estis sal terræ.
Quod si sal evanúerit, in quo sa-
liétur? Ad nihilum valet ultra,
nisi ut mittátur foras, et concul-
cétur ab homínibus. Vos estis
lux mundi. Non potest cívitas
abscóndi supra montem pósita.
Neque accéndunt lucérrnam, et
ponunt eam sub módio, sed super
candelábrum, ut lúceat ómnibus
qui in domo sunt. Sic lúceat lux
vestra coram homínibus, ut ví-
deant ópera vestra bona, et glo-
rificent Patrem vestrum, qui in
cælis est. Nolite putáre, quóniam
veni sólvere legem aut prophétas:
non veni sólvere, sed adimplére.
Amen, quippe dico vobis, donec
tránseat cælum et terra, iota
unum aut unus apex non præter-
íbit a lege, donec ómnia fiant.
Qui ergo sólverit unum de man-
datis istis mínimis, et docúerit
sic hómines, míminus vocábitur
in regno cælórum: qui autem fé-
cerit et docúerit, hic magnus vo-
cabitur in regno cælórum. Credo..

Offertorium Ps. 33, 12

Venite, filii, audite me: timórem i
Dómini docébo vos. (T. P. Alle-
lúja.)

Secreta

Sanctífica, misericors Deus, hæc
múnera tibi obláta, et Ecclé-
siæ tuæ, beáto Petro intercedén-
te, unitatis et pacis propítius do-
na concéde. Per Dóminum.

Communio Is. 12, 3

Hauriétis aquas in gáudio de fón-
tibus Salvatóris. (T. P. Allelúja.)

Postcommunio

Sacrificium, Dómine, quod in
honórem beáti Petri Confes-
soris tui atque Doctóris obtúli-
mus: fidem nostram, spem et ca-
ritátem áugeat, et Ecclésiam tu-
am nova semper prole lætíficet.
Per Dóminum nostrum.

Sabbato ante Dominicam VI
post Pascha

B. MARIÆ VIRGINIS
CONSOLATRICIS
AFFLICTORUM

Duplex majus

Introitus

AVE, spes nostra, Dei Géni-
trix, Virgo María, quæ
meruisti portare regem
cælórum et Dóminum: tu glória
Jerúsalem, tu lætitia Israel, tu
honorificéntia pópuli nostri. (T.
P. Allelúja, allelúja.) Ps. 147, 13
Confortávit Dóminus seras por-
tárum tuárum: benedixit filiis tuis
in te. **V.** Glória Patri.

Oratio

O Pater misericordiae et totius consolatiōnis Deus, qui Unigeniti tui ex carne Matrem Mariam nostram quoque ex caritatē matrem esse voluisti: concéde propitiū; ut, cujus protectiōne munimur, ejus et consolatiōne lætēmur. Per eūndem Dóminum. **Et fit Commemoratio Octavæ Ascensionis:**

Oratio

Concéde, quāsumus, omnipotens Deus: ut, qui hodiérna die Unigenitum tuum, Redemptōrem nostrum, ad cælos ascendisse crēdimus; ipsi quoque mente in cælestibus habitēmus. Per eūndem Dóminum nostrum.

Léctio libri Sapiéntiæ

Eccli. 24, 23-31

Ego quasi vītis fructificávi suavitatēm odoris: et flores mei fructus honoris et honestatis. Ego mater pulchræ dilectionis et timoris et agnitionis et sanctæ spei. In me grātia omnis viæ et veritatis: in me omnis spes vitæ et virtutis. Transite ad me, omnes qui concupiscitis me, et a generatiōibus meis implēmini. Spíritus enim meus super mel dulcis, et hereditas mea super mel et favum. Memória mea in generatiōnes sæculōrum. Qui edunt me, adhuc esúrient: et qui bibunt me, adhuc sitient. Qui

audit me, non confundētur: et qui operantur in me, non peccabunt. Qui elūcidant me, vitam æternam habebunt.

Allelúja, allelúja. **V. Ps. 29, 8** Dómine, in voluntate tua præstisti decori meo virtutem. Allelúja. **V. Ibid., 12** Convertisti planctum meum in gaudium: considerasti saccum meum, et circumdedisti me lætitia. Allelúja.

In Missis votivis extra Tempus Paschale dicitur

Graduale Cant. 1, 4

Nigra sum, sed formosa, filiæ Jerúsalem, sicut tabernacula Cedar, sicut pelles Salomónis. **V. Ibid. 2, 4** Introdūxit me rex in cellam vinariam, ordinavit in me caritatēm.

Allelúja, allelúja. **V.** In flore mater, in partu Virgo, gaude et lætare, Virgo Mater Dómini. Allelúja.

Post Septuagesimam autem, omissis Allelúja et Versu sequenti, dicitur

Tractus Cant. 5, 10

Diléctus meus cándidus et rubicundus, électus ex millibus. **V. Ibid. 1, 12** Fasciculus myrrhae diléctus meus mihi, inter ubera mea commorabitur. **V. Thren. 1, 12** O vos omnes, qui transitis per viam, atténdite et videte, si est dolor sicut dolor meus.

 Sequéntia sancti Evangélii
secúndum Joánnem

Joann. 19, 25-27 P.

In illo tempore: Stabant juxta Crucem Jesu Mater ejus, et soror Matris ejus Maria Cléophæ, et Maria Magdaléne. Cum vidisset ergo Jesus Matrem, et discipulum stantem, quem diligebat, dicit Matri suæ: Múlier, ecce filius tuus. Deinde dicit discípulo: Ecce Mater tua. Et ex illa hora accépit eam discípulus in sua. Credo.

Offertorium

Apoc. 11, 13 et 19

In illa hora factus est terræmotus magnus. In timórem missi dedérunt gloriām Deo cæli, et apér-tum est templum Dei in cælo, et visa est arca testaménti ejus. (T. P. Allelúa.)

Secreta

Múnera nostra, Dómine, Spíritus Sancti obumbránte virtute, Unigéniti tui Corpus et Sanguis fiant: ut, qui ex Maria Vírgine pro nobis suscépit quod nostrum est, his sacraméntis cælestibus, eádem intercedénte, dignétur nobis conférre quod suum est, Jesus Christus Filius tuus, Dóminus noster: Qui tecum... in unitáte ejúsdem Spíritus Sancti Deus: per ómnia sæcula sæculórum. Amen.

Pro Octava Ascensionis Secreta

Súscipe, Dómine, múnera, quæ pro Filii tui gloriósa Ascensiōne deférimus: et concéde propítius; ut a præsentibus periculis liberémur, et ad vitam perveniámus ætérnam. Per eúndem Dóminum nostrum.

Præfatio de B. Maria Virg. Et te in Festivitáte.

Communio Prov. 8, 34-35

Beátus homo, qui audit me, et qui vigilat ad fores meas cotidie, et obsérvat ad postes óstii mei. Qui me invénerit, invéniat vitam, et háuriat salútem a Dómino. (T. P. Allelúa.)

Postcommunio

D eus, cujus in hoc sacraménto mortem annuntiámus: beatissimæ semper Vírginis Matris tuæ Mariæ précibus, in omni nos virtute confórta; ut cum ea sóci passiónum tuárum fôrtiter effécti, consolatiōnis étiam et gloriæ par-ticipes esse mereámur: Qui vivis et regnas.

Pro Octava Ascensionis Postcommunio

Præsta nobis, quæsumus, omni-potens et miséricors Deus: ut, quæ visibilibus mystériis suménda percépimus, invisibili conse-quámur efféctu. Per Dóminum nostrum.

Die 16 Maji

S. JOANNIS NEPOMUCENI
MARTYRIS
Duplex

Introitus Ps. 63, 3

PROTEXISTI me, Deus, a convéntu malignántium, allelúja: a multitúdine operántium iniquitátem, allelúja, allelúja. **Ps. ibid., 2** Exáudi, Deus, oratióne meam, cum déprecor: a timóre inimici éripe ánimam meam. **V.** Glória Patri.

Oratio

Deus, qui ob invictum beáti Joánnis sacramentálē silén-tium nova Ecclésiam tuam martyrii coróna decorásti: da nobis, ejus intercessióne et exémplo, linguam caute custodire; ac ómnia pótius mala quam ánimæ detriméntum in hoc sǽculo toleráre. Per Dóminum nostrum Jesum Christum, Filium tuum: Qui tecum vivit et regnat.

Et fit Commemoratio S. Ubaldi Ep. et Conf.:

Oratio

Auxílium tuum nobis, Dómine, quássumus, placátus impénde: et, intercessióne beáti Ubáldi Confessóris tui atque Pontíficis, contra omnes diáboli nequítias dexteram super nos tuæ propitiatiónis exténde. Per Dóminum nostrum Jesum Christum, Filium tuum: Qui tecum vivit et regnat.

Léctio libri Sapiéntiæ
Sap. 5, 1-5

Stabunt justi in magna constán-tia advérsus eos, qui se angu-stiavérunt et qui abstulérunt lá-bóres eórum. Vidéntes turbabún-tur timóre horribili, et mirabún-tur in subitatióne insperátæ salútis, dicéntes intra se, pœnitén-tiam agéntes, et præ angústia spíritus geméntes: Hi sunt, quos habúimus aliquándo in derísum, et in similitúdinem impropérii. Nos insensáti vitam illórum aesti-mabámus insániam, et finem illórum sine honóre: ecce, quómodo computáti sunt inter filios Dei, et inter Sanctos sors illórum est.

Allelúja, allelúja. **V. Ps. 88, 6** Confitebúntur cæli mirabilia tua, Dómine: étenim veritátem tuam in ecclésia sanctórum. Allelúja. **V. Ps. 20, 4** Posuísti, Dómine, super caput ejus corónam de lá-pide pretiósso. Allelúja.

 Sequéntia sancti Evangélii secúndum Mattháeum

Matth. 10, 26-32

In illo témpore: Dixit Jesus discipulis suis: Nihil est opértum, quod non revelábitur; et occútum, quod non sciétur. Quod dico vobis in ténebris, dicite in lúmine: et quod in aure auditis, prædicáte super tecta. Et nolite timére eos, qui occidunt corpus, ániam autem non possunt occide-

re; sed pótius timéte eum, qui potest et ánimam et corpus pérdere in gehénnam. Nonne duo pásse-
res asse véneunt: et unus ex illis non cadet super terram sine Pa-
tre vestro? Vestri autem capilli
cápitis omnes numeráti sunt. No-
lite ergo timére: multis passéri-
bus melióres estis vos. Omnis er-
go, qui confitébitur me coram ho-
míibus, confitébor et ego eum coram Patre meo, qui in cælis est.

Offertorium Ps. 88, 6

Confitebúntur cæli mirabilia tua,
Dómine: et veritátem tuam in ec-
clésia sanctórum, allelúja, alle-
lúja.

Secreta

Per hæc tua, Dómine, sacra my-
stéria illo nos caritatis igne ac-
cendámur: quo ínclytus Martyr Joánnes éadem peragéndo fla-
grábat. Per Dóminum nostrum Jesum Christum, Fílium tuum:
Qui tecum vivit et regnat.

Pro S. Ubaldo

Secreta

Sancti tui, quæsumus, Dómine,
nos ubique lætificent: ut, dum
eórum mérita recólimus, patro-
cínia sentiámus. Per Dóminum.

Communio Ps. 63, 11

Lætábitur justus in Dómino, et
sperábit in eo: et laudabúntur
omnes recti corde, allelúja, alle-
lúja.

Postcommunio

Spiritum, Dómine, fortitúdinis
hæc nobis tribuat mensa cæ-
léstis: quæ beáti Mártyris tui Jo-
ánnis pro sacraménti honóre ten-
tátam constántiam, júgiter áluit
ad victóriam. Per Dóminum.

Pro S. Ubaldo Postcommunio

Præsta, quæsumus, omnípotens
Deus: ut, de percéptis munéribus
grátias exhibéntes, intercedénte
beáto Ubaldo Confessóre tuo at-
que Pontifice, beneficia potiéra
sumámus. Per Dóminum.

Extra Tempus Paschale, Missa
Lætábitur, de Communi unius
Martyris 4 loco, præter Oratio-
nes ut supra.

J Missæ privatæ dici possunt,
juxta Rubricas, etiam de S. Ubal-
do Ep. et Conf., ut in Missali hac
die, cum Commemoratione S. Jo-
annis Nepomuceni.

Die 5 Junii

S. BONIFATII EP. ET MART.

Duplex II classis

Missa ut in Missali hac die.

Die 4 Julii

S. UDALRICI EP. ET CONF.

Duplex

Missa Státuit, de Communi Con-
fessoris Pontificis 1 loco, præter
Orationem sequentem:

Oratio

P

Deus, qui cónspicis, quia ex nulla nostra virtúte subsistimus: concéde propitius; ut, intercessióne beáti Udalrici Confessóris tui atque Pontificis, contra ómnia advérsa muniámur. Per Dóminum nostrum.

Et fit Commemoratio Octavæ Ss. Petri et Pauli Apostolorum:

Oratio

Deus, qui hodiérnam diem Apostolorum tuórum Petri et Pauli martýrio consecrásti: da Ecclésiæ tuæ, eórum in ómnibus sequi præcéptum; per quos religiónis sumpsit exórdium. Per Dñm.

Credo, ratione Octavæ.

Secreta

C

Sancti tui, quásumus, Dómine, nos ubique létifcent: ut, dum eórum mérita recólimus, patrocinia sentiámus. Per Dóminum.

Pro Octava Ss. Apostolorum

Secreta

Hóstias, Dómine, quas nómini tuo sacrándas offérimus, apostólica prosequátur orátio: per quam nos expiári tribuas et deféndi. Per Dóminum nostrum.

Præfatio de Octava.

Postcommunio

C

Præsta, quásumus, omnípotens Deus: ut, de percéptis munéribus grátias exhibéntes, intercéidente beáto Udalrico Confessóre

tuo atque Pontífice, benefícia pótiora sumámus. Per Dóminum.

Pro Octava Ss. Apostolorum
Postcommunio

Quos cælesti, Dómine, aliménto satiásti: apostólicis intercessióni-bus ab omni adversitéte custódi. Per Dóminum nostrum.

Die 15 Julii
S. HENRICI
IMPERATORIS, CONF.

Duplex

Missa ut in Missali hac die.

Die 16 Augusti
S. JOACHIM PATRIS B. M. V.
CONFESSORIS

Duplex II classis

Missa Dispérsit, ut in Missali hac die, et, in Missis privatis tan-tum, fit Commemoratio S. Rochi Conf., ut in Missa sequenti.

Eadem die 16 Augusti
PRO S. ROCHO CONF.

Missa Justus ut palma, de Communi Confessoris non Pontificis 2 loco, præter Orationem sequen-tem:

Oratio P
Pópulum tuum, quásumus, Dómine, contínuam pietáte custódi: et, beáti Rochi suffragántibus méritis, ab omni fac ánime et córporis contagione secúrum. Per Dóminum nostrum.

Secreta

C

Præsta nobis, quæsumus, omni-potens Deus: ut nostræ humilitatis oblatio, et pro tuorum tibi grata sit honore Sanctorum, et nos corpore pàriter et mente purificet. Per Dóminum nostrum Jesum Christum, Filium tuum: Qui tecum vivit et regnat.

Postcommunio

C

Quæsumus, omnipotens Deus: Ut, qui cælestia aliménta percépimus, intercedénte beato Rocho Confessore tuo, per hæc contra ómnia adversa muniámur. Per Dóminum nostrum Jesum Christum, Filium tuum: Qui tecum vivit et regnat.

Die 4 Septembris

S. IDÆ VIDUÆ

Duplex

Missa Cognóvi, de Communi non Virginum 2 loco, præter Orationem sequentem:

Oratio

P

Deus, qui beatæ famulæ tuæ Idæ inter mundi hujus pericula sic vivere præstítisti, ut a mandatòrum tuorum observántia nullatenus ánimum revocáret: concéde propitius; ut, ejus exempla sequentes et vitia cuncta respuéntes, regno, quod ipsa promeruit, ætérno pérfrui mereámur. Per Dóminum nostrum.

Secreta

C

Accépta tibi sit, Dómine, sacratæ plebis oblatio pro tuorum honore Sanctorum: quorum sémeritis de tribulatióne percepíssè cognoscit auxilium. Per Dóminum nostrum Jesum Christum, Filium tuum: Qui tecum vivit et regnat.

Postcommunio

C

Satiásti, Dómine, familiam tuam munéribus sacris: ejus, quæsumus, semper interventione nos réfove, cujus solémnia celebramus. Per Dóminum nostrum.

Die 17 Septembris

S. LAMBERTI

EP. ET MART.

Duplex

Missa Státuit, de Communi unius Martyris 1 loco, præter Orationem sequentem:

Oratio

P

Deus, qui sanctam nobis hujus diéi solemnitatem in beati Lamberti Mártyris tui atque Pontificis passióne honorabilem fecisti: adésto familiæ tuæ préci-bus, et da; ut, cujus festa celebramus, ejus intercessiónibus adjuvémur. Per Dóminum nostrum Jesum Christum, Filium tuum: Qui tecum vivit et regnat.

Et fit Commemoratio Impressio-nis Ss. Stigmatum S. Francisci Confessoris:

Oratio

Dómine Jesu Christe, qui, frigescénte mundo, ad inflammándum corda nostra tui amóris igne, in carne beatissimi Francisci passiónis tuæ sacra Stigmata renovásti: concéde propítius; ut ejus méritis et prémibus crucem júgiter ferámus, et dignos fructus pœnitentiæ faciámus: Qui vivis.

Secreta

C

Hóstias tibi, Dómine, beáti Lambérti Mártyris tui atque Pontificis dicátas méritis, benignus assúme: et ad perpétuum nobis tribue provenire subsidium. Per Dóminum nostrum.

Pro Impressione Ss. Stigmatum S. Francisci **Secreta**

Múnera tibi, Dómine, dicáta sanctifica: et, intercedénte beáto Francisco, ab omni nos culpárum labe purífica. Per Dóminum.

Postcommunio

C

Refécti participatióne múnneris sacri, quásumus, Dómine, Deus noster: ut, cujus exséquimur cultum, intercedénte beáto Lambérto Mártyre tuo atque Pontifice, sentiámus effectum.. Per Dóminum nostrum.

Pro Impressione Ss. Stigmatum S. Francisci

Postcommunio

Deus, qui mira Crucis mystéria in beáto Francisco Confessórere

tuo multifórmiter demonstrásti: da nobis, quásumus; devotónis suæ semper exempla sectári, et assídua ejúsdem Crucis meditatióne muníri. Per Dóminum.

J Missæ privatæ dici possunt etiam, juxta Rubricas, aut de Impressione Ss. Stigmatum S. Francisci Conf., ut in Missali hac die, cum Commemoratione S. Lamberti et in Quatuor Temporibus, Feriæ, cujus tunc etiam Evangelium legitur in fine; aut, in Quatuor Temporibus, de Feria, cum Commemoratione S. Lamberti et Ss. Stigmatum S. Francisci.

**Die 25 Septembris
S. HILDEGARDIS VIRGINIS**

Duplex**Introitus Ps. 72, 28**

MIHI autem adhærere Deo bonum est, pónere in Dómino spem meam: ut annúntiem omnes prædicatiōnes tuas in portis filiæ Sion. **Ps. 40, 13** Me autem propter innocéntiam suscepisti: et confirmásti me in conspéctu tuo in ætérnum. **V.** Glória Patri.

Oratio

Deus, qui beatam Hildegárdem Virginem tuam donis cælestibus decorásti: tribue, quásumus; ut, ejus vestigiis et documentis mentis insisténtes, a præsentis sæculi caligine ad lucem tuam

delectábilem transire mereámur.
Per Dóminum nostrum.

Léctio Epistolæ
beáti Pauli Apóstoli
ad Corinthios

1 Cor. 1, 26-29

Vidéte vocatióne vestram, fratres, quia non multi sapiéntes secúndum carnem, non multi poténtes, non multi nóbiles: sed quæ stulta sunt mundi élégit Deus, ut confundat sapiéntes: et infírma mundi élégit Deus, ut confundat fórtia: et ignobilia mundi et contemptibilia élégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu ejus.

Graduale Cant. 3, 4 et 6, 2

Invéni quem diligit áнима mea:
ténui eum, nec dimittam. **V.** Ego dilécto meo, et diléctus meus mihi, qui pásctitur inter lilia.

Allelúja, allelúja. **V. Isai. 61, 10**
Exsultábit áнима mea in Deo
meo, quia induit me vestiméntis
salútis, quasi sponsam ornátam
monílibus suis. Allelúja.

In Missis votivis post Septuage-
simam, omissis Allelúja et Versu-
sequenti, dicitur

Tractus Sap. 4, 1-3

O quam pulchra est casta gene-
rátio cum claritaté: immortális
est enim memória illius, quóniam
et apud Deum nota est, et apud

hómines. **V.** Cum præsens est,
imitántur illam, et desiderant
eam, cum se edúxerit. **V.** Et in
perpétuum coronáta triúmphat,
in coinquínatórum certáminum
præmia vincens.

Tempore Paschali omittitur Gra-
duale, et ejus loco dicitur:

Allelúja, allelúja. **V. Ps. 30, 22**
Benedictus Dóminus: quóniam
mirificávit misericórdiam suam
mihi in civitáte muníta. Allelúja.
V. Prov. 4, 9 Lætáre, mater no-
stra, quia dabit Dóminus cápti
tuo augménta gratiárum, et coró-
na ínclyla próteget te. Allelúja.

 Sequéntia sancti Evangélii
secúndum Mattháeum

Matth. 25, 1-13

In illo témpore: Dixit Jesus dis-
cipulis suis parábolam hanc:
Simile erit regnum cælórum de-
cem virginibus: quæ, accipiéntes
lámpades suas, exiérunt óbviā
sponso et sponsæ. Quinque au-
tem ex eis erant fátuæ, et quinque
prudéntes: sed quinque fátuæ,
accéptis lampádibus, non sump-
sérunt óleum secum: prudéntes
vero accepérunt óleum in vasis
suis cum lampádibus. Moram au-
tem faciénte sponso, dormitavé-
runt omnes et dormiérunt. Média
autem nocte clamor factus est:
Ecce, sponsus venit, exite ób-
viam ei. Tunc surrexérunt omnes
vírgines illæ, et ornavérunt lám-

pades suas. Fátuæ autem sapiéntibus dixérunt: Date nobis de óleo vestro: quia lámpades nostræ exstinguúntur. Respondéront prudéntes, dicéntes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánua. Novíssime vero véniant et réliquæ vírgines, dicéntes: Dómine, Dómine, áperi nobis. At ille respóndens, ait: Amen, dico vobis, néscio vos. Vigiláte itaque, quia nescítis diem neque horam.

Offertorium Ps. 41, 2 et 3

Quemádmodum desiderat cervus ad fontes aquárum, ita desiderat ánima mea ad te, Deus. Sitívit ánima mea ad Deum fortém vivum.

Secreta

Sanctæ Hildegárdis Vírginis tuæ festa recoléntes, preces offérimus et hóstias immolámus: præsta, quæsumus, Dómine; ut, cum præsídio temporáli, vitæ nobis præbeant increménta perpétuæ. Per Dóminum nostrum.

Communio Philipp. 1, 20 et 21

Magnificábitur Christus in córpore meo, sive per vitam, sive per mortem: mihi enim vivere Christus est, et mori luorum

Postcommunio

Perpétuo, Dómine, favóre prosequere, quos réficiis divino mystério: et quos imbuísti cælestibus institútis; eósdem, intercedénte beáta Hildegárde Virgine tua, salutáribus comitare solátiis. Per Dóminum nostrum.

Die 30 Septembris
IN DEDICATIONE
ECCLESIÆ CATHEDRALIS
Duplex I classis
cum Octava communi

**Missa Terribilis, de Communi
Dedicationis Ecclesiæ.**

Et, in Missis privatis tantum, fit Commemoratio S. Hieronymi Presbyteri, Conf. et Eccl. Doct., ut in Missali hac die.

**Infra Octavam de ea fit Com., ac
dicitur Credo, juxta Rubricas.**

Die 1 Octobris
DE II DIE INFRA OCTAVAM
DEDICATIONIS ECCLESIÆ
CATHEDRALIS
Semiduplex

Missa ut in Festo. Et fit Commemoratio S. Remigii Ep. et Conf., ut in Missali hac die, 3^a Oratio de sancta Maria Concéde.

J Missæ privatae dici possunt, juxta Rubricas, etiam de S. Remigio Ep. et Conf., ut in Missali, cum Commemoratione Octavæ ac 3^a Oratione de sancta Maria Concéde, et sine Credo.

Die 3 Octobris
SS. EWALDORUM MM.

Duplex

Introitus Ps. 33, 20-21

MULTÆ tribulatiōnes iūstorum, et de his ómnibus liberávit eos Dóminus: Dóminus custódit ómnia os-sa eórum: unum ex his non con-terétur. **Ps. ibid., 2** Benedicam Dóminum in omni tēpore: sem-per laus ejus in ore meo.

V. Glória Patri.

Oratio

Sanctórum Mártyrum tuórum Ewaldórum nos, Dómine, fóveat pretiōsa conféssio: et pia júgiter intercéssio tueátur. Per Dó-minum nostrum Jesum Christum, Filium tuum: Qui tecum vivit et regnat in unitáte Spíritus Sancti Deus: per ómnia sācula sāculórum. **R.** Amen.

Et fit Commemoratio S. Teresiæ a Jesu Infante Virg.:

Oratio

Dómine, qui dixisti: Nisi efficiámini sicut párvuli, non intrábitis in regnum cælórum: da nobis, quæsumus; ita sanctæ Teresiæ Virginis in humilitáte et simplicitáte cordis vestigia sectári, ut præmia consequámur ætérna. (Qui vivis et regnas.)

Deinde Commemoratio Octavæ Dedicationis Ecclesiæ:

Oratio

Deus, qui nobis per singulos annos hujus sancti templi tui consecratiōnis réparas diem, et sacris semper mystériis repræséntas in-cólumes: exaudi preces populi tui, et præsta: ut, quisquis hoc templum beneficia petiturus ingréditur, cuncta se impetrásse lætétur. Per Dóminum nostrum.

Léctio libri Sapiéntiæ

Eccli. 44, 10-15

Hi viri misericórdiæ sunt, quo-rum pietátes non defuérunt: cum sémine eórum pémanent bona, heréditas sancta nepótes eórum, et in testaméntis stetit se-men eórum: et filii eórum propter illos usque in ætérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatiōnem et generatiōnem. Sapiéntiam ipsórum narrent populi, et laudem eórum núnctiet Ecclésia.

Graduale Ps. 33, 10

Timéte Dóminum, omnes Sancti ejus: quóniam nihil deest timén-tibus eum. **V. Ps. ibid., 11** In-quiréntes autem Dóminum, non defícient omni bono.

Allelúja, allelúja. **V. Ps. 31, 11** Lætámini in Dómino et exsultáte, justi: et gloriámini, omnes recti corde. Allelúja.

 Sequéntia sancti Evangélii secúndum Mattháeum

Matth. 10, 16-22

In illo tempore: Dixit Jesus discipulis suis: Ecce, ego mitto vos sicut oves in medio luporum. Estote ergo prudentes sicut serpentes, et simplices sicut columbae. Cavete autem ab hominibus. Tradent enim vos in conciliis, et in synagogis suis flagellabunt vos: et ad praesides et ad reges ducemini propter me in testimonium illis et gentibus. Cum autem tradent vos, nolite cogitare, quomodo aut quid loquamini: dabitur enim vobis in illa hora, quid loquamini. Non enim vos estis, qui loquimini, sed Spiritus Patris vestri, qui loquitur in vobis. Tradet autem frater fratrem in mortem, et pater filium: et insurgent filii in parentes, et morte eos afficiant: et eritis odio omnibus propter nomen meum: qui autem perseveraverit usque in finem, hic salvus erit.

Credo, ratione Octavæ.

Offertorium Ps. 67, 36

Mirabilis Deus in Sanctis suis: Deus Israel, ipse dabit virtutem et fortitudinem plebi suæ: benedictus Deus.

Secreta

Benedictio tua, Dómine, larga descéndat: quæ et múnera nostra, deprecántibus sanctis Mar-

týribus tuis, tibi reddat accépta, et nobis sacraméntum redemp- tionis efficiat. Per Dóminum.

Pro S. Teresia a Jesu Infante Secreta

Sacrificium nostrum tibi, Dómine, quæsumus, sanctæ Teresiæ Virginis tuæ precatio sancta conciliet: ut, in cuius honore solenniter exhibetur, ejus méritis efficiatur accéptum. (Per Dóminum nostrum.)

Pro Octava
Dedicationis Ecclesiæ
Secreta

Annue, quæsumus, Dómine, pre- cibus nostris: ut, (quicunque in- tra templi hujus, cuius anniver- sarium dedicatiōnis diem cele- bramus, ábitum continēmur, plena tibi, atque perfēcta cörperis et animæ devotio place- amus; ut,) dum hæc vota præsen- tia redimus, ad æterna præmia, te adjuvante, pervenire mere- amur. Per Dóminum nostrum.

Communio Joann. 15, 16

Ego vos elégi de mundo, et pósui vos, ut eatis et fructum afferatis, et fructus vester maneat.

Postcommunio

Cælestibus refecti sacraméntis et gaudiis, supplices te, Dó- mine, deprecámur: ut, quorum gloriámur triúmphis, protegámur auxiliis. Per Dóminum nostrum.

Festa Octobris (5, 10)

Pro S. Teresia a Jesu Infante Postcommunio

Illo nos, Dómine, amóris igne cælesté mystérium inflámmet: quo sancta Terésia Virgo tua se tibi pro homínibus caritatis victimam devóvit. (Per Dóminum.)

Pro Octava Dedicationis Ecclesiæ Postcommunio

Deus, qui de vivis et eléctis lapi-dibus æténum majestati tuæ præparas habitaculum: auxiliare pôpulo tuo supplicâti; ut, quod Ecclésiæ tuæ corporálibus próficit spátiis, spirituálibus amplifi-cétur augmémentis. Per Dóminum nostrum.

J Missæ privatæ dici possunt, juxta Rubricas, etiam de S. Teresia a Jesu Infante Virg., ut in Missali hac die, cum Commemoratione Ss. Ewaldorum Mm. et Octavæ Dedicationis Ecclesiæ. Et dicitur Credo, ratione Octavæ.

Die 5 Octobris DE VI DIE INFRA OCTAVAM DEDICATIONIS ECCLESIÆ CATHEDRALIS

Semiduplex

Missa ut in Festo. Et fit Commemoratio Ss. Placidi et Soc. Mm., ut in Missali hac die. 3^a Oratio de sancta Maria Concéde.

J Missæ privatæ dici possunt, juxta Rubricas, etiam de Ss. Placido et Soc. Mm., ut in Missali hac die, cum Commemoratione Octavæ ac 3^a Oratione de sancta Maria Concéde, at sine Credo.

Die 10 Octobris

SS. VICTORIS ET SOCIORUM MARTYRUM

Duplex

Introitus Ps. 33, 20-21

MULTÆ tribulatiōnes ju-stórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. **Ps. ibid., 2** Benedic-Dóminum in omni témpore: semper laus ejus in ore meo.

V. Glória Patri.

Oratio

Præsta, quæsumus, omnípotens Deus: ut, qui gloriósos Mártires Victórem, Gereónem, Cássium, Floréntium Sociósque eórum fortes in sua confessióne cognóvimus, pios apud te in nostra intercessióne sentiámus. Per Dóminum nostrum Iesum Christum, Filium tuum: Qui tecum vivit et regnat in unitáte Spíritus Sancti Deus: per ómnia sæcula sæculórum. **R.** Amen.

Et fit Commemoratio S. Francisci Borgiæ Conf.:

Oratio

Dómine Jesu Christe, veræ humilitatis et exémplar et præmium: quæsumus; ut, sicut beatum Franciscum in terréni honoris contémptu imitatorem tui gloriósum effecisti, ita nos ejusdem imitationis et gloriæ tribuas esse consórtes: Qui vivis et regnas.

Léctio libri Apocalýpsis
beáti Joánnis Apóstoli

Apoc. 7, 13-17

In diébus illis: Respóndit unus de seniöribus, et dixit mihi: Hi, qui amicti sunt stolis albis, qui sunt, et unde venérunt? Et dixi illi: Dómine mi, tu scis. Et dixit mihi: Hi sunt, qui venérunt de tribulatióne magna: et lavérunt stolas suas, et dealbavérunt eas in sanguine Agni. Ideo sunt ante thronum Dei, et sérviunt ei die ac nocte in templo ejus: et qui sedet in throno, habitabit super illos. Non esúrient, neque sitient ámplius: nec cadet super illos sol, neque ullus æstus; quóniam Agnus, qui in médio throni est, reget illos: et dedúcet eos ad vitæ fontes aquárum: et abstérget Deus omnem lácrimam ab oculis eórum.

Graduale Ps. 132, 1-2

Ecce, quam bonum et quam jucúndum, habitare fratres in unum! **V.** Sicut unguéntum in cá-

pite, quod descéndit in barbam, barbam Aaron.

Allelúja, allelúja. **V. Ps. 31, 11**
Lætámini in Dómino et exsultáte, justi: et gloriámini, omnes recti corde. Allelúja.

H Sequéntia sancti Evangélii secúndum Lucam

Luc. 21, 9-19

In illo témpore: Dixit Jesus discípulis suis: Cum audiéritis prælia et seditiões, nolite terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terræmotus magni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia injicient vobis manus suas, et persequéntur tradéntes in synagógas et custódias, trahéntes ad reges et præsides propter nomen meum: continget autem vobis in testimónium. Pónite ergo in córdibus vestris non præmeditári quemádmodum respondeátis. Ego enim dabo vobis os et sapientiam, cui non pótentur resistere, et contradicere omnes adversárii vestri. Tradémini autem a paréntibus, et frátribus, et cognátis, et amícis, et morte affícient ex vobis: et éritis ódio ómnibus propter nomen meum: et capillus de cápite vestro non peribit. In

patiéntia vestra possidébitis áni-
mas vestras.

Offertorium Ps. 5, 12-13

Gloriabúntur in te omnes, qui di-
ligunt nomen tuum, quóniam tu,
Dómine, benedices justo: Dómi-
ne, ut scuto bonæ voluntatis tuæ
coronásti nos.

Secreta

Múnera tibi, Dómine, quæ pro
Mártyrum tuórum Victóris,
Gereónis, Cássii atque Floréntii
Sociorúmque eórum solemnitáte
deférimus, propitiátus súscipe: et
mala ómnia, quæ merémur, eó-
rum intercessióne avérte. Per
Dóminum nostrum.

Pro S. Francisco Borgia

Secreta

Sacris altáribus, Dómine, hóstias
superpósitas sanctus Franciscus,
quæsumus, in salútem nobis pro-
venire depóscat. Per Dóminum.

Communio Sap. 3, 4, 5 et 6

Et si coram hominibus torménta
passi sunt, Deus tentávit eos:
tamquam aurum in fornáce pro-
bávit eos, et quasi holocáusta ac-
cépit eos.

Postcommunio

Quæsumus, omnipotens Deus,
salutáribus repléti mysté-
riis: ut, quorum solémnia cele-
brámus, eórum oratióibus ad-
juvémur. Per Dóminum.

Pro S. Francisco Borgia Postcommunio

Prótegat nos, Dómine, cum tui
perceptione sacraménti beátus
Franciscus, pro nobis interce-
dendo: ut et conversatiónis ejus
experiámur insignia, et interces-
siónis percipiámus suffrágia. Per
Dóminum nostrum.

¶ Missæ privatæ dici possunt,
juxta Rubricas, etiam de S. Fran-
cisco Borgia Conf., ut in Missali
hac die, cum Commemoratione
Ss. Victoris et Soc. Mm.

Feria IV
ante Dominicam III Octobris

In Ecclesiis consecratis
Diœcesis, excepta Cathedrali

IN DEDICATIONE
PROPRIÆ ECCLESIÆ

Duplex I classis cum Octava
communi

Missa Terribilis, de Communi
Dedicationis Ecclesiæ.

Infra Octavam de ea fit Comme-
moratio, juxta Rubricas, ac dici-
tur Credo.

Feria IV
ante Dominicam IV Octobris

In Ecclesiis, ut supra

IN OCTAVA
DEDICATIONIS PROPRIÆ
ECCLESIÆ

Duplex majus
Missa ut in Festo.

Die 5 Novembris
SACRARUM
RELIQUIARUM
 quæ in Ecclesiis Diœcesis
 asservantur

Duplex majus

Missa Multæ tribulatiōnes, ut in
 Missali inter Missas pro aliqui-
 bus locis hac die.

Et fit Commemoratio Octavæ
Omnium Sanctorum et dicitur
Credo, ratione Octavæ.

Die 7 Novembris

S. WILLIBRORDI
EP. ET CONF.

Duplex

Introitus Eccli. 45, 30

STATUIT ei Dóminus testa-
 mētum pacis, et principem
 fecit eum: ut sit illi sacerdōtii
 dignitas in ætérnum. **Ps. 131, 1**
 Meménto, Dómine, David: et
 omnis mansuetudinis ejus.

V. Glória Patri.

Oratio

Deus, qui ad prædicándum
 géntibus glóriam tuam beá-
 tum Willibrórdum Confessórem
 tuum atque Pontíficem mittere
 dignátus es: ejus méritis et inter-
 cessióne concéde; ut, quæ nobis
 agénda præcipis, te miseránte
 adimplére possímus. Per Dómi-
 num nostrum.

Et fit Commemoratio Octavæ
Omnium Sanctorum:

Oratio

Omnipotens sempiterne Deus,
 qui nos ómnium Sanctórum tuó-
 rum mérita sub una tribuisti ce-
 lebritáte venerári: quásimus; ut
 desiderátam nobis tuæ propitia-
 tiónis abundántiam, multiplicátis
 intercessóribus, largiáris. Per
 Dóminum nostrum Jesum Chri-
 stum, Filium tuum: Qui tecum
 vivit et regnat in unitáte Spiritus
 Sancti Deus.

Léctio libri Sapiéntiæ

Eccli. 44, 16-27; 45, 3-20

Ecce sacérdos magnus, qui in
 diébus suis plácuit Deo, et in-
 vénitus est justus: et in tempore
 iracundiæ factus est reconciliatio.
 Non est invénitus similis illi,
 qui conservávit legem Excélsi.
 Ideo jurejurando fecit illum Dó-
 minus crèscere in plebem suam.
 Benedictiōnem ómnium géntium
 dedit illi, et testaméntum suum
 confirmávit super caput ejus.
 Agnóvit eum in benedictiōnibus
 suis: conservávit illi misericór-
 diam suam: et invénit grátiam
 coram óculis Dómini. Magnificá-
 vit eum in conspéctu regum: et
 dedit illi corónam gloriæ. Státuit
 illi testaméntum ætérnum, et de-
 dit illi sacerdótium magnum: et
 beatificávit illum in glória. Fungi

sacerdótio, et habére laudem in nómine ipsíus, et offérre illi incénum dignum in odórem suavítatis.

Graduale Eccli. 44, 16

Ecce sacérdos magnus, qui in diébus suis plácuit Deo. **V. Ibid., 20** Non est invéntus similis illi, qui conserváret legem Excélsi.

Allelúja, allelúja. **V. Ps. 109, 4**
Tu es sacérdos in æténum, secúndum órdinem Melchisedech.
Allelúja.

 Sequéntia sancti Evangélii secúndum Mattháeum

Matth. 25, 14-23

In illo témpore: Dixit Jesus discipulis suis parábola hanc: Homo péregre proficiscens vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicuique secúndum própriam virtútem, et proféctus est statim. Abiit autem, qui quinque talénta accéperat, et operátus est in eis, et lucrátus est ália quinque. Similiter et, qui duo accéperat, lucrátus est ália duo. Qui autem unum accéperat, ábiens fodit in terram, et abscóndit pecúniam domini sui. Post multum vero téporis venit dominus servórum illórum, et pósuit ratiónem cum eis. Et accédens qui quinque talénta accéperat, obtulit ália quinque talénta,

dicens: Dómine, quinque talénta tradidisti mihi, ecce, ália quinque superlucrátus sum. Ait illi dominus ejus: Euge, serve bone et fidélis, quia super pauca fuísti fidélis, super multa te constituam: intra in gáudium domini tui. Accéssit autem et qui duo talénta accéperat, et ait: Dómine, duo talénta tradidisti mihi, ecce, ália duo lucrátus sum. Ait illi dominus ejus: Euge, serve bone et fidélis, quia super pauca fuísti fidélis, super multa te constituam: intra in gáudium domini tui.

Credo, **ratione Octavæ.**

Offertorium Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

Sancti tui, quásumus, Dómine, nos ubique létifcent: ut, dum eórum mérita recólimus, patrocínia sentiámus. Per Dóminum nostrum.

Pro Octava Omníum Sanctorum Secreta

Múnera tibi, Dómine, nostræ devotíonis offérimus: quæ et pro cunctórum tibi grata sint honóre Justórum, et nobis salutária, te miseránte, reddántur. Per Dóminum nostrum.

Communio Luc. 12, 42

Fidélis servus et prudens, quem constituit dóminus super famíliam suam: ut det illis in témpore trítici mensúram. (T. P. Allelúja.)

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercérente beáto Willibrórdo Confessóre tuo atque Pontifice, benefícia potióra sumámus. Per Dóminum nostrum Jesum Christum, Filium tuum: Qui tecum vivit et regnat in unitáte Spíritus Sancti Deus: per ómnia sǽcula sǽculórum. R. Amen.

Pro Octava Omníum Sanctorum Postcommunio

Da, quæsumus, Dómine, fidélibus pópolis ómnium Sanctórum semper veneratióne létári: et eórum perpétua supplicatióne muníri. Per Dóminum nostrum Jesum Christum, Filium tuum: Qui tecum vivit et regnat in unitáte Spíritus Sancti Deus: per ómnia sǽcula sǽculórum.

R. Amen.

Die 27 Novembris
S. WILLEHADI
EP. ET CONF.

Duplex

Missa Státuit, de Communi Con-fessoris Pontificis 1 loco, præter Orationem sequentem:

Oratio

Omniópotens sempitérne Deus, qui hunc diem venerábilem nobis in beáti Willehádi Confessóris atque Pontificis festivitaté tribuísti: fidélium tuórum votis benignus inténde; ut, ejúsdem intercessiōne a cunctis reáribus absolúti, gáudia cónsequi me-reámur ætérrna. Per Dóminum.

Secreta

Sancti tui, quæsumus, Dómine, nos ubique létíficent: ut, dum eórum mérita recólimus, patro-cínia sentiámus. Per Dóminum.

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercérente beáto Willehádo Confessóre tuo atque Pontifice, benefícia potióra sumámus. Per Dómi-num nostrum.